

29.06.22
Neris Morgans
01545 572695

Annwyl Syr/Fadam


Dear Sir/Madam

Ysgrifennaf i'ch hysbysu y cynhelir cyfarfod FFORWM DERBYN YSGOLION CEREDIGION am **10.00yb** ar **Ddydd Gwener, 1 Gorffennaf, 2022** i drafod y materion canlynol:

I write to inform you that a Meeting of the CEREDIGION SCHOOLS ADMISSIONS FORUM will be held at **10.00am** on **Friday, 1st July, 2022** for the transaction of the following business:

- | | |
|--|---|
| 1. Ymddiheuriadau. | 1. Apologies. |
| 2. Datgelu buddiant personol. | 2. Disclosure of personal interest. |
| 3. Cadarnhau Cofnodion y Cyfarfod a gyfarfu ar 15 Hydref 2019. | 3. To confirm the Minutes of the Meeting held on 15 October 2019. |
| 4. Materion yn codi o'r Cofnodion. | 4. Matters arising from the Minutes. |
| 5. Dogfen Gwybodaeth i Rieni. | 5. Information for Parents Document. |
| 6. Polisi Derbyn 2023-2024. | 6. Admissions Policy 2023-2024. |
| 7. Niferoedd Blwyddyn 7 - Medi 2022. | 7. Year 7 Numbers - September 2022. |
| 8. Niferoedd Blwyddyn Derbyn – Medi 2022. | 8. Reception Year Numbers – September 2022. |
| 9. Apeliadau Derbyn Ganol Flwyddyn 2021-2022. | 9. Mid-Year Admission Appeals 2021-2022. |
| 10. Unrhyw fater arall. | 10. Any Other Business. |

Yr eiddoch yn gywir/ Yours faithfully



Miss Lowri Edwards
Swyddog Arweiniol Corfforaethol, Gwasanaethau Democrataidd/
Corporate Lead Officer, Democratic Services

At: Gadeirydd ac Aelodau Fforwm Derbyn Ysgolion Ceredigion
To: Chairman and Members of the Schools Admissions Forum

Cofnodion cyfarfod Fforwm Derbyn Ysgolion Ceredigion a gynhaliwyd yn Ystafell Ystwyth, Penmorfa, Ceredigion ddydd Mawrth, 15 Hydref, 2019.

YN BRESENNOL: Meinir Ebbsworth, Swyddog Arweiniol Corfforaethol: Ysgolion/Prif Swyddog Addysg; y Cynghorydd Catrin Miles, Aelod Cabinet; y Cynghorydd Endaf Edwards, Cadeirydd y Pwyllgor Trosolwg a Chraffu Cymunedau sy'n Dysgu; Carol Davies, Pennaeth Ysgol Dyffryn Cledlyn; Gareth Evans, Dirprwy Bennaeth Ysgol Bro Teifi; Mandy Rowe, Dirprwy Bennaeth Ysgol Gynradd Gatholig Padarn Sant; Peter Leggett, Pennaeth Ysgol Gynradd Rhydypennau; Philippa Davies, Rhiant Lywodraethwr, Ysgol y Dderi.

SWYDDOGION YN BRESENNOL: Gwion Dafydd, Rheolwr Corfforaethol: Atebolwydd a Chynnydd; Cheryl Evans, Swyddog Derbyn i Ysgolion, a Kay Davies, Swyddog Gwasanaethau Democrataidd.

(14:00 – 14.50)

1. Ymddiheuriadau

Cafwyd ymddiheuriadau gan y Cynghorydd Wyn Thomas, Dirprwy Gadeirydd y Pwyllgor Trosolwg a Chraffu a Jane Wyn, Pennaeth Ysgol Bro Pedr am eu hanallu i fynychu'r cyfarfod.

2. Gweithdrefn

Croesawodd y Cadeirydd bawb i'r pwyllgor a chyflwynodd pawb eu hunain.

3. Datgelu Buddiannau Personol

Nid oedd unrhyw fuddiannau personol i'w datgelu.

4. Cofnodion y Cyfarfod a gynhaliwyd ar 13 Mehefin, 2019.

Penderfynwyd cadarnhau cofnodion y cyfarfod a gynhaliwyd ar 13 Mehefin, 2019 yn gofnod cywir.

5. Materion yn codi o Gofnodion y Cyfarfod a gynhaliwyd ar 13 Mehefin 2019

5.6 – Systemau di-arian mewn ysgolion - nodwyd bod mwy o waith wedi ei wneud. Mae'r cytundebau presennol yn gorffen ar ddyddiadau gwahanol, ond mae cynlluniau ar y gweill i bob ysgol gaffael cytundeb newydd ar yr un adeg. Bydd yr iaith Gymraeg yn rhan o'r broses gaffael. Mae'r gwasanaeth TG yn mynd i archwilio gwasanaeth dwyieithog o fewn y system. Byddai systemau di-arian yn cael eu defnyddio, yn y pendraw, ar gyfer pob trafodiad ariannol mewn ysgolion a bydd yn osgoi risgiau diangen o gadw symiau mawr o arian ar safleoedd ysgolion. Mae trafodaethau ynghylch y mater hwn i'w cynnal gydag ysgolion cynradd.

6 –Y ddogfen 'Gwybodaeth i Rieni' – nodwyd bod y ddogfen hon wedi ei diweddarau a bod y mater hwn yn eitem ar yr agenda hon.

6. Y Ddogfen 'Gwybodaeth i Rieni'

Adroddodd y Swyddog Derbyn i Ysgolion fod y ddogfen hon ar fin cael ei chwblhau, ynghyd ag ychwanegu gwybodaeth am benaethiaid newydd yn Aberporth, Comins Coch, Rhos Helyg, T. Llew Jones, Talgarreg, Llanilar (ar ôl hanner tymor), Penparc

a Phlascrug (ar ôl Nadolig) a'r trefniadau newydd yn Ysgol Gynradd Cenarth o fis Ionawr ymlaen.

Nodwyd bod y ddogfen yn pwysleisio'r ffaith bod cwricwlwm newydd yn cael ei gyflwyno ym mis Medi 2022.

Cytunwyd nodi'r wybodaeth a ddarparwyd.

7. Polisi Derbyn 2020-2021

Cyflwynodd y Swyddog Derbyn i Ysgolion y drafft diweddaraf. Nodwyd nad oes gwahaniaeth mawr i'r polisi blaenorol, ar wahân i'r ffaith bod tair ysgol gynradd yn llai yn y sir. Mae'r polisi i'w gyflwyno mewn cyfarfodydd Cyrff Llywodraethol ysgolion ar ôl hanner tymor, a hynny er ymgynghoriad. Bydd angen derbyn ymatebion cyn 2 Mawrth 2020.

Mae dogfen strategaeth ynglŷn â chadw disgyblion, 'Addysgu disgyblion y tu allan i'w grŵp oedran cronolegol' i'w chynnwys gyda'r polisi hwn. Gobeithio y bydd y ddogfen yn ddefnyddiol i rieni.

Nodwyd y gall ysgolion wneud cais i gael eu hailfesur mewn perthynas â'r rhif derbyn.

Cytunwyd cymeradwyo'r ddogfen newydd a nodi'r wybodaeth a ddarparwyd.

8. Niferoedd Blwyddyn 7 ar gyfer Ysgolion Uwchradd – Medi 2019.

Nodwyd bod y niferoedd derbyn ar gyfer ysgolion uwchradd yn unol â'r disgwyl, ym mis Medi 2019.

Mae e-byst a anfonir at rieni/gwarcheidwaid disgyblion Blwyddyn 6 presennol i gael eu diwygio er mwyn tynnu sylw at y ffaith mai ar gyfer yr ysgol agosaf fwyaf addas yn unig y telir am gludiant gan yr AALI. Codwyd pryderon am y sgil-ffeithiau posibl i ysgolion sy'n darparu eu bysiau eu hunain i gludo plant o ddalgylchoedd eraill.

Cytunwyd nodi'r wybodaeth a ddarparwyd.

9. Niferoedd Blwyddyn Derbyn mis Medi 2019

Nodwyd bod y niferoedd a dderbyniwyd i ddsbarthiadau Blwyddyn Derbyn ysgolion cynradd ym mis Medi 2019 wedi cynyddu 20 disgybl ers y cyfarfod diwethaf.

Adroddwyd bod nifer y disgyblion sy'n mynychu unedau yn y sir ar gyfer plant ag anghenion dysgu ychwanegol wedi cynyddu. Mae sawl teulu wedi symud i'r ardal, a chanddynt blant ag anghenion sylweddol, felly bydd angen cynyddu capasiti er mwyn diwallu'r angen.

Cytunwyd nodi'r wybodaeth.

10. Apeliadau Derbyn Canol-Blwyddyn 2018-19

Nodwyd gwybodaeth ynghylch Apeliadau Derbyn Canol Blwyddyn 2018-2019.

Nodwyd bod saith apêl ar gyfer ysgolion cynradd – enillodd yr AALL bedair apêl a cholli tair. Yn y sector uwchradd, enillwyd un apêl a cholliwyd dwy. Mae tair apêl arall i'w clywed – un ar gyfer y sector uwchradd a dwy ar gyfer ysgolion cynradd.

Cytunwyd nodi'r wybodaeth hon.

11. Unrhyw fater arall

- a. Dywedodd y Swyddog Derbyn i Ysgolion fod y ffurflen i wneud cais ar-lein am le mewn ysgol i'w thrafod mewn cyfarfod o'r pedair sir, sy'n rhannu'r ffurflen ar-lein hon, a'r datblygwyr. Gwnaethpwyd cais gan y Fforwm i'r ffurflen gynnwys gwybodaeth am gefndir llawn hanes addysgol y plentyn (h.y. ysgolion blaenorol). Gellid cynnwys blwch dewisol yn gofyn am hanes meddygol y plentyn. Gellid edrych i'r posibilrwydd o ofyn am wybodaeth gan Mudiad Meithrin am anghenion dysgu plant dan 4 oed yn y dyfodol. Gofynnwyd i bawb astudio'r ddogfen a chynnig sylwadau i'r Swyddog Derbyn i Ysgolion.
- b. Rhoddodd y Swyddog Arweiniol Corfforaethol: Ysgolion/Prif Swyddog Addysg wybod i'r Fforwm am ymgynghoriad Llywodraeth Cymru ar Addysgu yn y Cartref: canllaw statudol i awdurdodau lleol a chanllaw i'r sawl sy'n addysgu yn y cartref. Mae ymateb i'r ymgynghoriad i'w anfon, gan ddatgan nad yw'r ymgynghoriad yn mynd yn ddigon pell a bod angen i'r ddeddf adlewyrchu disgwyliadau'r Awdurdod Lleol i sicrhau y cofrestrir pob plentyn a addysgir yn y cartref.

Ymddengys fod niferoedd y plant sy'n derbyn addysg ddewisol yn y cartref yn uchel yng Ngheredigion. Efallai mai'r rheswm am hyn yw bod yr awdurdod yn gwybod amdanynt, tra nad yw awdurdodau eraill mor ymwybodol pwy o fewn eu sir sy'n cael eu haddysgu yn y cartref. Nododd y Swyddog Arweiniol Corfforaethol: Ysgolion/Prif Swyddog Addysg fod gwybodaeth leol yn amhrisiadwy a gofynnodd i unrhyw un sy'n ymwybodol o blant a addysgir yn y cartref roi gwybod i Catrin Petche, Rheolwr y Tîm Cynhwysiant, er mwyn gallu trefnu ymweliadau â'r cartref.

12. Dyddiad y cyfarfod nesaf

Caiff dyddiad y cyfarfod nesaf ei rannu cyn gynted â phosibl.



Cyngor Sir Ceredigion

Gwasanaeth Ysgolion

Polisi Derbyn Ysgolion 2023/2024

Contents

DERBYN	3
AWDURDODAU DERBYN.....	3
GWYBODAETH DDEFNYDDIOL.....	4
Fforwm Derbyn	4
Cludiant	4
Addysg Ddewisol yn y Cartref.....	4
1. OED Y GALL PLANT DDECHRAU YSGOL	5
2. AMSERLEN DDERBYN	6
3. Y BROSES DDERBYN	7
3.1 DEWIS Y RHIENI	7
3.2 DEWIS YSGOL	7
3.3 GWNEUD CAIS AM LE MEWN YSGOL	7
3.4 DYRANNU LLEOEDD	8
3.5 MEINI PRAWF GORDANYSGRIFIO.....	8
3.6 CYFEIRIAD CARTREF.....	9
3.7 NEWID CYFEIRIAD	9
3.8 TEULUOEDD GWEITHWYR LLUOEDD ARFOG Y D.U. A GWEISION ERAILL Y GORON (gan gynnwys DIPLOMYDDION)	9
3.9 DISGYBLION A WAHARDDWYD	9
4. CYNNIG LLE MEWN YSGOL (RHOI GWYBOD AM GYNNIG).....	10
4.1 YSGOL AML-SAFLE	10
4.2 GRWPYAU BLWYDDYN	10
4.3 DECHRAU YSGOL	10
4.4 TYNNU'R CYNNIG O LE YN ÔL.....	10
5. CEISIADAU AFLWYDDIANNUS	11
5.1 APELIADAU	11
5.2 RHESTRAU AROS	11
6. GWNEUD CAIS Y TU ALLAN I'R ROWND DERBYN ARFEROL	12
6.1 SYMUD I'R ARDAL.....	12
6.2 NEWID YSGOL YN YSTOD Y FLWYDDYN.....	12
6.3 LLEOEDD CHWECHED DOSBARTH	12
ATODIAD A – Niferoedd Derbyn a Chapasiti Ysgolion	13
Ysgol Gynradd (Ysgol 3 – 11 gyda Darpariaeth Feithrin)	13
Ysgol Gynradd (Ysgol 4 – 11 heb Ddarpariaeth Feithrin)	13
Ysgol Ganol 3 - 16	14
Ysgol Ganol 3 - 19	14
Ysgolion Uwchradd.....	15
ATODIAD B – EITHRIADAU I'R FENTER MAINT DOSBARTHIADAU BABANOD	16

DERBYN

Mae Deddf Safonau a Fframwaith Ysgolion 1998 yn pennu swyddogaethau i Awdurdodau Derbyn, Paneli Apêl a Fforymau Derbyn mewn perthynas â derbyn disgyblion i ysgolion.

Awdurdod Lleol (ALI) Ceredigion yw'r Awdurdod Derbyn ar gyfer yr holl ysgolion a gynhelir ac Ysgolion Gwirfoddol a Reolir yng Ngheredigion.

Gydag Ysgolion Gwirfoddol a Gynorthwyr, mae'r Corff Llywodraethu'n gweithredu fel Awdurdod Derbyn. Mae Ysgol Wirfoddol a Gynorthwyr yn ysgol a ariannir gan y wladwriaeth lle mae sefydliad neu ymddiriedolaeth (sefydliad crefyddol fel arfer) yn cyfrannu at y costau adeiladu ac yn cael dylanwad sylweddol ar y ffordd mae'r ysgol yn cael ei rhedeg.

Mae gan bob un o'r cyrff hyn ddyletswydd statudol i "weithredu" yn unol â'r Cod Derbyn i Ysgolion a'r Cod Apelau Derbyn i Ysgolion.

AWDURDODAU DERBYN

Ar gyfer Ysgolion Cymunedol ac Ysgolion Gwirfoddol a Reolir

Mae holl ysgolion Ceredigion (ac eithrio Ysgol Gynradd Gatholig Padarn Sant) yn dod o fewn y categori hwn, a rheolir y broses dderbyn gan ALI Ceredigion, nid yr Ysgolion neu'u Cyrff Llywodraethu. Gydag ysgolion o'r fath, dylid gwneud pob cais i'r ALI ac nid i'r Ysgol am mai'r ALI yw'r unig gorff a all gynnig lleoedd ysgol.

Mae manylion cyswllt yr Awdurdod Derbyn fel a ganlyn:

Tîm Derbyniadau

Gwasanaeth Ysgolion
Canolfan Rheidol
Rhodfa Padarn
Llanbadarn Fawr
Aberystwyth
Ceredigion
SY23 3UE

Dylid gwneud ceisiadau trwy ddefnyddio'r ffurflen dderbyn ar-lein, sydd ar gael ar wefan Ceredigion (www.ceredigion.gov.uk).

Ar gyfer Ysgolion Gwirfoddol a Gynorthwyr

Ysgol Gynradd Gatholig Padarn Sant yw'r unig ysgol o'i math yng Ngheredigion. Dylid gwneud ymholiadau derbyn i'w Chorff Llywodraethu, er y bydd unrhyw ffurflenni ar-lein a dderbynnir gan yr ALI yn cael eu hanfon ymlaen i'r ysgol. Mae cyfeiriad yr ysgol fel a ganlyn:

Ysgol Gynradd Gatholig Padarn Sant

Ffordd Llanbadarn
Aberystwyth
Ceredigion
SY23 1EZ

GWYBODAETH DDEFNYDDIOL

Fforwm Derbyn

Mae Fforwm Derbyn Ceredigion yn cwrdd ddwywaith y flwyddyn i drafod materion derbyn lleol. Cynrychiolir Penaethiaid, Llywodraethwyr, Rhieni ac Awdurdodau Esgobaethol.

Mae cofnodion y cyfarfodydd ar gael ar wefan Ceredigion.

Trwy gydol y ddogfen hon bydd y gair **Rhieni** yn golygu nid yn unig y rhieni ond unrhyw berson(au) sydd â chyfrifoldeb cyfreithiol fel rhiant plentyn.

Cludiant

Mae'r ALI yn darparu cludiant am ddim i'r ysgol ar gyfer plant oed ysgol statudol (y tymor ar ôl eu 5^{ed} pen-blwydd) ar sail y canlynol:

- Disgyblion oed cynradd sy'n byw dros ddwy filltir i ffwrdd o'r ysgol gynradd addas agosaf;
- Disgyblion oed uwchradd sy'n byw dros dair milltir i ffwrdd o'r ysgol uwchradd addas agosaf.

Mesurir y pellter yn ôl y llwybr cerdded byrraf rhwng yr ysgol â'r cartref. O'r ffordd fawr agosaf at yr eiddo at brif fynedfa'r ysgol.

Mae gwybodaeth bellach ar gael oddi wrth yr Uned Cludiant (01545 570881).

Addysg Ddewisol yn y Cartref

Gall rhieni hefyd ddewis addysgu'u plant gartref. Gelwir hyn yn Addysg Ddewisol yn y Cartref. Mae angen meddwl yn ofalus cyn penderfynu addysgu gartref, am ei fod yn gofyn llawer yn nhermau ymrwymiad, amser a chost.

Cynghorir rhieni sy'n ystyried yr opsiwn hwn i gysylltu â'r ALI, a gofyn am arweiniad oddi wrth y Swyddog Addysg Ddewisol yn y Cartref, ar 01970 633624.

1. OED Y GALL PLANT DDECHRAU YSGOL

1.1 Plant Oed Meithrin – 3 Oed

Oed	Dyddiad y mae'n rhaid cyrraedd yr oed priodol	Tymor Derbyn
3	31 Rhagfyr 2022 31 Mawrth 2023 31 Awst 2023	Gwanwyn 2023 Haf 2023 Hydref 2023

Nid yw bod yn ddisgybl mewn Dosbarth Meithrin yn golygu bod plentyn yn gymwys i gael ei dderbyn i'r Dosbarth Derbyn. Bydd angen i Rieni/Gwarcheidwaid wneud cais ar wahân.

1.2 Plant Oed Cynradd - 4 Oed

Oed	Dyddiad y mae'n rhaid cyrraedd yr oed priodol	Tymor Derbyn
4	31 Rhagfyr 2022 31 Mawrth 2023 31 Awst 2023	Gwanwyn 2023 Haf 2023 Hydref 2023

Nid yw deddfwriaeth yn gwneud hi'n ofynnol i blentyn ddechrau ysgol tan y tymor ar ôl ei bumed pen-blwydd, a gall y rhiant ohirio'r mynediad tan yr oed hwnnw. Fodd bynnag, rhaid cyflwyno ceisiadau am dderbyn gohiriedig erbyn yr un dyddiad cau â cheisiadau arferol (gweler adran 2 am fanylion dyddiadau cau).

1.3 Plant Oed Uwchradd – 11 Oed

Oed	Dyddiad y mae'n rhaid cyrraedd yr oed priodol	Tymor Derbyn
11	31 Awst 2023	Hydref 2023

Gwahoddir rhieni disgyblion blwyddyn 6 i fynegi'u dewis o Ysgol Uwchradd yn Nhymor yr Hydref yn y flwyddyn cyn y trosglwyddo.

Ni fydd disgyblion Blwyddyn 6 sy'n mynychu Ysgol Ganol ac sy'n bwriadu aros yn yr ysgol honno yn gorfod gwneud cais ar gyfer y cyfnod Uwchradd.

Gweler Atodiad A am enwau Ysgolion Ceredigion a'r math o ddarpariaeth a gynnigir h.y. Meithrin, Cynradd neu Uwchradd.

2. AMSERLEN DDERBYN

Darpariaeth	Oed	Dechrau Ysgol	Dyddiad Cau ar gyfer Ceisiadau	Dyddiad Cynnig/Hysbysu	Dyddiad Cau ar gyfer Apelio
Plant Oed Meithrin.	3ydd Penblwydd 1af Medi 2022 i 31ain Awst 2023	Ionawr, Ebrill, Medi 2023	31^{ain} Ionawr 2022	19 ^{eg} Ebrill 2022	Dim hawl i Apelio
Plant Oed Cynradd. (Does dim trosglwyddo awtomatig o'r ddarpariaeth Feithrin – bydd angen gwneud cais ar wahân).	4ydd Penblwydd 1af Medi 2022 i 31ain Awst 2023	Ionawr, Ebrill, Medi 2023	31^{ain} Ionawr 2022	19 ^{eg} Ebrill 2022	10 Diwrnod Gwaith o dderbyn y Llythyr Gwrthod.
Plant Oed Uwchradd. (Ceisiadau ar gyfer disgyblion cynradd sy'n dechrau Blwyddyn 7 yn yr uwchradd).	Penblwydd yn 11 oed 1af Medi 2022 i 31ain Awst 2023	Medi 2023	20^{fed} Rhagfyr 2022	1 ^{af} Mawrth 2023	10 Diwrnod Gwaith o dderbyn y Llythyr Gwrthod.

3. Y BROSES DDERBYN

3.1 DEWIS Y RHIENI

Er bod y rhan fwyaf o rieni'n anfon eu plentyn i'r ysgol agosaf, mae ganddynt yr hawl i ddewis unrhyw ysgol yng Ngheredigion.

Gellir gwneud newidiadau i'r dewis o ysgol ar unrhyw adeg hyd at y dyddiad cau (gweler y Tabl Derbyn yn adran 2) – bydd angen i rieni wneud hyn yn ysgrifenedig (i'r Tîm Derbyn) yn ogystal â chyflwyno cais newydd.

Bydd unrhyw newid o ran y dewis o ysgol ar ôl y dyddiad cau yn cael ei drin fel cais hwyr.

Gellir dewis tair ysgol (gan nodi trefn blaenoriaeth). Os na fydd yr ALI yn gallu cynnig lle yn y dewis cyntaf, yna ystyrir yr ail ddewis ac yn y blaen.

3.2 DEWIS YSGOL

Pa bynnag ysgol a ddewisir gan y rhieni, argymhellir eu bod yn cysylltu, yn trafod, ac yn ymweld â'r ysgol(ion) a ddewiswyd er mwyn cael gwybod pa gyfleusterau a chyfleoedd sydd ar gael.

3.3 GWNEUD CAIS AM LE MEWN YSGOL

Bydd angen i bob cais gael eu gyflawni a'u gyflwyno erbyn y dyddiadau cau a osodir yn yr Amserlen Dderbyn yn Adran 2. Ar ôl y dyddiad cau, bydd yr holl geisiadau a dderbyniwyd erbyn y dyddiad cau'n cael eu prosesu. Bydd unrhyw geisiadau a dderbynnir ar ôl y dyddiad cau'n cael eu hystyried ar ôl yr holl geisiadau a dderbyniwyd erbyn y dyddiad cau, oni bai bod yna resymau eithriadol dros gyflwyno cais hwyr

e.e. pan fydd y teulu wedi symud i'r ALI rhwng y dyddiad cau a'r dyddiad cynnig lle (ac os felly bydd angen tystiolaeth o'r newid cyfeiriad) neu pan fydd yna resymau eithriadol dros fethu â chyflwyno cais ar amser.

Rhaid nodi rhesymau dros geisiadau hwyr yn ysgrifenedig gyda'r cais, gan gynnwys unrhyw ddogfennau/datganiadau ategol priodol.

3.4 DYRANNU LLEOEDD

Bydd yr ALI yn derbyn plant hyd at nifer derbyn yr ysgol a ffeirir. Serch hynny, pan fydd y lle olaf a ddyrannir (hyd at y nifer derbyn) yn un o enedigaeth luosog, bydd yr ALI hefyd yn derbyn y brawd/chwaer neu frodyr/chwiorydd arall/eraill.

Mae'r Nifer Derbyn yn nodi nifer y disgyblion y gellir eu derbyn i bob grŵp blwyddyn yn yr ysgol.

Mae'r Nifer Derbyn ar gyfer pob ysgol i'w weld yn Atodiad A: Niferoedd Derbyn a Chapasiti Ysgolion.

Cyfrifir y nifer gan ddefnyddio fformiwla Llywodraeth Cymru - 'Mesur capasiti ysgolion yng Nghymru'. Mae'r ddogfen hon ar gael ar wefan Llywodraeth Cymru ar www.wales.gov.uk.

3.5 MEINI PRAWF GORDANYSGRIFIO

Mewn achosion lle mae nifer y ceisiadau'n fwy na'r Nifer Derbyn yna bydd y lleoedd ysgol yn cael eu dyrannu yn ôl y meini prawf gordanysgrifio isod (a restrir yn nhrefn blaenoriaeth):

- plant sy'n derbyn gofal neu a oedd yn arfer derbyn gofal (sydd wedi'u mabwysiadu neu'n destun gorchymyn preswyl neu orchymyn gwarcheidwaeth arbennig yn union ar ol bod mewn gofal). Bydd angen tystiolaeth bod y plentyn yn arfer derbyn gofal;
- yr ysgol a ffeirir yw'r ysgol addas agosaf ac mae gan y plentyn **frawd neu chwaer** yn mynychu'r ysgol pan fyddant hwy'n dechrau ei mynychu;
- yr ysgol a ffeirir yw'r ysgol addas agosaf;
- plant nad yr ysgol honno yw'r ysgol addas agosaf atynt, ond sydd â brawd neu chwaer yn mynychu'r ysgol pan fyddant hwy'n dechrau ei mynychu.

Diffinnir brodyr a chwiorydd fel a ganlyn: disgyblion gyda brodyr neu chwiorydd llawn, hanner brodyr neu chwiorydd, llys frodyr neu chwiorydd, neu blant a fabwysiadwyd neu blant maeth sy'n mynychu'r ysgol a ffeirir, ac sy'n byw ar un aelwyd.

Pan fod mwy nag un plentyn yn cwrdd â'r meini prawf hyn a bod yna ymgeiswyr ar ôl o hyd, yna bydd y plentyn sy'n byw agosaf at yr ysgol yn cael ei dderbyn. Mesurir pob pellter yn ôl y llwybr cerdded byrraf (gan ddefnyddio Google Maps) rhwng prif gât yr ysgol â'r man lle mae cartref y plentyn yn cwrdd â'r briffordd.

3.6 CYFEIRIAD CARTREF

Cyfeiriad cartref y disgybl yw'r eiddo preswyl sy'n unig gartref neu'n brif gartref swyddogol iddo/iddi, sydd un ai:

- yn berchen i'r rhiant/rhieni neu'r sawl sydd â chyfrifoldeb rhiant dros y plentyn; neu
- ar brydles neu'n cael ei rentu gan riant/rhieni'r plentyn neu'r sawl sydd â chyfrifoldeb rhiant dan gytundeb rhentu ysgrifenedig.

Pan fydd y cyfrifoldeb rhiant yn cael ei rannu, a bod y plentyn yn byw gyda'r ddau riant neu berson sydd â chyfrifoldeb rhiant, am ran o'r wythnos, yna ystyrir mai'r cartref swyddogol yw'r cyfeiriad y mae'r plentyn yn byw ynddo am y rhan fwyaf o'r wythnos ysgol (h.y. 3 allan o 5 diwrnod).

Mae'r ALI yn cadw'r hawl i ofyn am brawf o gyfeiriad ar unrhyw adeg yn ystod y broses dderbyn.

3.7 NEWID CYFEIRIAD

Pan fydd teulu'n symud a bod y rhieni'n gwneud cais am dderbyn plentyn i ysgol ar sail eu cyfeiriad newydd, gall yr ALI gymryd camau i wirio'r trefniadau. Bydd yr ALI yn derbyn un ai:

- llythyr cyfreithiwr yn nodi bod cytundeb wedi'i gyfnewid ynghyd â dyddiad cwblhau;
- cytundeb tenantiaeth sydd wedi'i lofnodi a'i ddyddio.

Os na ellir darparu prawf o'r cyfeiriad newydd, yna seilir y cais ar y cyfeiriad presennol.

3.8 TEULUOEDD GWEITHWYR LLUOEDD ARFOG Y D.U. A GWEISION ERAILL Y GORON (gan gynnwys DIPLOMYDDION)

Mae'r teuluoedd uchod yn tueddu i symud yn aml o fewn y Deyrnas Unedig ac o dramor, a hynny'n aml ar rybudd cymharol fyr. O ganlyniad, bydd ceisiadau am leoedd ar gyfer y flwyddyn ysgol sydd i ddod yn cael eu hystyried os byddant yn dod gyda llythyr swyddogol gan y Weinyddiaeth Amddiffyn neu'r Swyddfa Dramor a Chymanwlad, yn nodi dyddiad dychwelyd. Yna dyrannir lleoedd ysgol os byddai'r ymgeisydd yn cwrdd â'r meini prawf ar ôl symud i'r cyfeiriad newydd.

Bydd cyfeiriadau post unedau'n cael eu derbyn hefyd ar gyfer ceisiadau oddi wrth y lluoedd arfog, yn absenoldeb cyfeiriad post newydd.

3.9 DISGYBLION A WAHARDDWYD

Os bydd disgybl eisoes wedi'i wahardd yn barhaol o ddwy ysgol neu ragor, er y gall rhiant nodi ei fod yn ffafrio ysgol benodol ar gyfer addysg y plentyn, does dim rhaid i'r ALI gydymffurfio â'r dymuniad hwnnw am gyfnod o ddwy flynedd o ddyddiad y gwaharddiad diweddaraf.

4. CYNNIG LLE MEWN YSGOL (RHOI GWYBOD AM GYNNIG)

Bydd rhieni'n derbyn e-bost yn cadarnhau, neu beidio, bod lle ar gael yn yr ysgol ac yn cynnig cyfle iddyn nhw dderbyn y lle hwnnw.

Anfonir ebysts ynghylch penderfyniadau ceisiadau **Ysgolion Uwchradd** ar y **1^{af} o Fawrth 2023** ac ar gyfer ceisiadau **Ysgolion Cynradd** ar y **19^{eg} Ebrill 2022**.

Bydd angen derbyn yr holl gynigion. Mi fydd yr ebost a anfonir atoch yn cynnwys dolen a fydd yn caniatáu i chi wneud hynny.

Os nad yw'r cynnig yn cael ei dderbyn, yna gall y lle hwnnw gael ei dynnu'n ôl a'i gynnig i ddisgybl arall.

4.1 YSGOL AML-SAFLE

Bydd cynigion Ysgol sy'n gweithredu ar fwy nag un safle ar gyfer yr Ysgol ac nid ar gyfer safle penodol.

Mater ar gyfer trefniadaeth fewnol yr ysgol yw'r safle a fynychir gan y plant. Ni ellir apelio yn erbyn y safle a ddyrannir.

4.2 GRWPIAU BLWYDDYN

Bydd disgyblion yn cael eu derbyn i'r grŵp blwyddyn sy'n briodol ar gyfer eu hoed cronolegol. Mae hyn yn gyson gyda Pholisi Anghenion Addysg Arbennig Ceredigion (<http://www.ceredigion.gov.uk/preswylwr/ysgolion-ac-addysg/anghenion-addysg-arbennig-aaa/>), sy'n datgan y gall ysgol ei chael yn briodol i gynnig gwersi penodol i ddisgyblion, am gyfnod cyfyngedig, mewn grwpiau addysgu is neu uwch fel rhan o wahaniaethu arferol o fewn y brif ffrwd, ond ni ddylid gosod disgyblion yn barhaol mewn grwpiau cofrestru hŷn neu iau na'u hoed cronolegol.

Nid oes unrhyw hawl i apelio os bydd lle wedi'i gynnig, ond nid yn y grŵp blwyddyn a ddymunir.

4.3 DECHRAU YSGOL

Oni bai bod yna resymau eithriadol, disgwylir i'r plentyn ddechrau'r ysgol ar y dyddiad a nodir yn y cynnig. Bydd angen trafod unrhyw oedi o ran dechrau gyda'r Ysgol oherwydd ni fydd modd cadw'r lle am gyfnod amhenodol. Gwneir penderfyniadau ynghylch pa mor hir y dylid cadw lle fesul achos, ac mewn ymgynghoriad â'r rhieni a'r ysgol. Fodd bynnag, ni ragwelir y bydd lle'n cael ei gadw am fwy na 6 wythnos.

4.4 TYNNU'R CYNNIG O LE YN ÔL

Bydd y cynnig o le mewn ysgol yn cael ei dynnu'n ôl ar sail y canlynol:

- Darganfod ar ôl gwneud y cynnig bod y cais yn un twyllodrus neu'n fwriadol gamarweiniol (megis rhoi cyfeiriad ffug sy'n agosach at yr ysgol).
- Cadarnhad bod y lle'n cael ei dderbyn heb ei ddychwelyd i'r ALI erbyn y dyddiad a nodwyd yn y cynnig.

5. CEISIADAU AFLWYDDIANNUS

Os na fydd rhieni'n llwyddo i gael lle i'w plentyn yna byddant yn cael gwybod beth yw'r rheswm am hynny, a'u hawl i wneud apêl annibynnol.

5.1 APELIADAU

Bydd angen i'r rhieni anfon llythyr yn gofyn am apêl i Swyddog Arweiniol Corfforaethol: Ysgolion o fewn 10 diwrnod o'r dyddiad y cawsant eu hysbysu bod eu cais am le'n aflwyddiannus.

Gwneir trefniadau i'r panel apêl gwrdd trwy adran Gwasanaethau Cyfreithiol Cyngor Sir Ceredigion.

Nid oes unrhyw hawl i apelio yn erbyn darpariaeth feithrin anstatudol.

Nid yw'r penderfyniad i wrthod yn cael ei wneud yn ysgafn, ac fe'i gwneir pan fydd y nifer derbyn wedi'i gyrraedd yn unig a/neu pan fydd dosbarth babanod (h.y. blwyddyn derbyn, blwyddyn 1 a blwyddyn 2) yn croesi'r trothwy 30. Mae Rheoliadau Llywodraeth Cymru'n gofyn bod Awdurdodau'n cyfyngu maint dosbarthiadau babanod i 30 o ddisgyblion. Byddai derbyn mwy na hynny'n creu rhagfarn maint dosbarth, hynny yw, yn rhagfarnu yn erbyn addysg effeithlon neu ddefnydd effeithlon o adnoddau. Ni fyddai rhagfarn maint dosbarth babanod i'w gael mewn achosion lle nad oedd nifer derbyn yr ysgol wedi'i gyrraedd.

Mae yna, fodd bynnag, eithriadau i'r rheoliadau hyn (a elwir yn "ddisgyblion a eithrir") a all ganiatáu croesi'r trothwy o 30 disgybl mewn dosbarth. Ceir rhestr lawn o 'ddisgyblion a eithrir' yn Atodiad B.

5.2 RHESTRAU AROS

Bydd unrhyw blentyn sydd ddim yn cael cynnig lle yn ei ddewis cyntaf o ysgol yn cael ei gadw ar restr aros tan 30ain Medi yn y flwyddyn academaidd berthnasol.

Os bydd lleoedd yn dod ar gael yna byddant yn cael eu dyfarnu yn unol â'r meini prawf gordanystrifio, yn hytrach na maint yr amser ers cyflwyno'r cais.

6. GWNEUD CAIS Y TU ALLAN I'R ROWND DERBYN ARFEROL

6.1 SYMUD I'R ARDAL

Dylai rhieni sy'n symud i'r ardal gyflwyno cais ddim cynharach na thymor cyn y dyddiad y rhagwelir y bydd eu plentyn/plant yn dechrau

e.e. os oes angen lle yn nhymor y gwanwyn yna dylid cyflwyno'r cais ddim cynharach na dechrau tymor yr hydref blaenorol.

Bydd ceisiadau a gyflwynir dros dymor ymlaen llaw'n cael eu cadw tan yr adeg briodol.

Gall oedi o ran symud i'r ardal arwain at dynnu cynigion yn ôl.

6.2 NEWID YSGOL YN YSTOD Y FLWYDDYN

Mae angen ystyried yn ofalus cyn newid ysgol a dylid trafod y mater yn llawn gyda Phennaeth ysgol bresennol y plentyn yn y lle cyntaf.

Os bydd rhieni'n dal i fod angen symud eu plentyn o un ysgol i un arall, yna rhaid iddyn nhw gyflwyno cais i wneud hynny.

6.3 LLEOEDD CHWECHED DOSBARTH

Mae holl Ysgolion Uwchradd ac Ysgolion Canol Ceredigion yn gyfrifol am eu derbyniadau 6ed dosbarth eu hunain a dylech gyflwyno bob cais yn uniongyrchol i'ch dewis ysgol.

ATODIAD A – Niferoedd Derbyn a Chapasiti Ysgolion

Ysgol Gynradd (Ysgol 3 – 11 gyda Darpariaeth Feithrin)

Ysgol	Capasiti	Nifer Derbyn
Aberaeron	201	28
Aberteifi	421	60
Bro Sion Cwilt	147	21
Cenarth	73	10
Dyffryn Cledlyn	120	17
Llwyn-Yr-Eos	219	31
Plascrug	409	58
Rhydypennau	193	27
T. Llew Jones	180	25
Y Dderi	133	19
Y Gymraeg	370	52

Bydd angen i ddisgyblion Meithrin wneud cais ar gyfer y Cyfnod Cynradd.

Ysgol Gynradd (Ysgol 4 – 11 heb Ddarpariaeth Feithrin)

Ysgol	Capasiti	Nifer Derbyn
Aberporth	159	22
Cei Newydd	98	14
Ciliau Parc	68	9
Comins Coch	185	26
Craig yr Wylfa	74	10
Dihewyd	35	5
Felinfach	60	8
Llanarth	86	12
Llanfarian	56	8
Llanfihangel-y-Creuddyn	37	5
Llangwryfon	55	7
Llanilar	129	18
Llanon	59	8
Llechryd	99	14
Myfenydd	91	13
Mynach	51	7

Padarn Sant	134	19
Penllwyn	55	7
Penparc	146	20
Penrhyncoch	110	15
Pontrhydfendigaid	74	10
Rhos Helyg	104	14
- Campws Llangeitho	Mae Rhos Helyg yn gweithredu ar ddau safle. Bydd y lleoedd a gynigir ar gyfer yr ysgol yn hytrach na safle penodol. Mater ar gyfer trefniadaeth fewnol yr ysgol fydd y safle a fynychir gan y plant.	
- Campws Rhos Y Wlad		
Syr John Rhys	39	5
Talgarreg	63	9
Talybont	127	18

Ysgol Ganol 3 - 16

Ysgol	Capasiti	Nifer Derbyn
Henry Richard		
Henry Richard 3 - 11	120	17
Henry Richard 11 – 16	373	74

Ysgolion Ganol 3 - 19

Ysgol	Capasiti	Nifer Derbyn
Bro Pedr		
Bro Pedr (3-11)	376	53
Bro Pedr (11-19)	841	150 (Bl. 7 – 11)
Bro Teifi		
Bro Teifi (3-11)	360	51
Bro Teifi (11 – 19)	678	111 (Bl. 7 – 11)

Ni fydd disgyblion oed Cynradd (4 – 11) sy'n bwriadu aros yn eu hysgol yn gorfod gwneud cais i'r Cyfnod Uwchradd.

Ysgolion Uwchradd

Ysgol	Capasiti	Nifer Derbyn (Bl. 7 – 11)
Aberaeron	965	156
Aberteifi	691	115
Penglais	1336	209
Penweddig	1070	170

ATODIAD B – EITHRIADAU I'R FENTER MAINT DOSBARTHADAU BABANOD

- Plant y mae eu datganiadau AAA yn nodi y dylent gael eu haddysgu yn yr ysgol dan sylw, ac a dderbyniwyd i'r ysgol y tu allan i rownd dderbyn arferol.
- Plant y mae awdurdodau lleol yn gofalu amdanynt (plant sy'n derbyn gofal), neu nad ydynt yn cael gofal bellach (plant oedd yn arfer derbyn gofal) am eu bod wedi'u mabwysiadu neu'u gosod gyda theulu, neu wedi cael gwarcheidwad arbennig, ac sy'n cael eu derbyn i'r ysgol y tu allan i rownd dderbyn arferol.
- Plant na chafodd eu derbyn i ysgol yn y lle cyntaf, ond a gafodd gynnig lle wedi hynny yn sgil cyfarwyddyd panel apeliadau derbyn, neu am fod y sawl oedd yn gyfrifol am wneud y penderfyniad gwreiddiol yn cydnabod bod camgymeriad wedi'i wneud wrth weithredu trefniadau derbyn yr ysgol.
- Plant a dderbynnir y tu allan i'r rownd dderbyn arferol:
 - y mae'r awdurdod lleol cynhaliol wedi cadarnhau na allant gael lle mewn unrhyw ysgol addas arall o fewn pellter rhesymol i'w cartref am eu bod wedi symud i'r ardal y tu allan i rownd dderbyn arferol, neu
 - sydd am gael addysg grefyddol neu addysg Gymraeg, ac mai'r ysgol dan sylw yw'r unig ysgol addas o fewn pellter rhesymol.
- Plant a dderbyniwyd i'r ysgol y tu allan i rownd dderbyn arferol y trefnodd yr ysgol ei dosbarthiadau yn ei sgil ac ar ôl diwrnod cyntaf y flwyddyn ysgol, y byddai ei effaith yn golygu y byddai'r ysgol yn gorfod cymryd mesur perthnasol os nad oedd y plant yn ddisgyblion a eithrir.
- Plant gweithwyr y lluoedd arfog a dderbynnir y tu allan i rownd dderbyn arferol.
- Plant y mae eu hefaill neu frawd neu chwaer o enedigaeth luosog wedi'u derbyn fel y disgybl(ion) nas eithrir olaf cyn croesi'r trothwy nifer derbyn.
- Plant sy'n ddisgyblion cofrestredig mewn ysgolion arbennig, ond sy'n cael rhan o'u haddysg mewn ysgol brif ffrwd.
- Plant gydag AAA sydd fel arfer yn cael eu haddysgu mewn uned arbennig o fewn ysgol brif ffrwd, sy'n derbyn rhan o'u gwersi mewn dosbarth nad yw'n un arbennig.

Bydd disgyblion a eithrir yn parhau felly, unwaith eu bod wedi'u derbyn, am weddill eu hamser mewn dosbarth babanod, neu nes bod y nifer yn y dosbarth yn gostwng a bod modd eu trefnu i gydymffurfio â'r cyfyngiad ar faint dosbarthiadau babanod. Er enghraifft, os bydd plentyn nas eithrir yn gadael dosbarth, bydd un lle ychwanegol yn y dosbarth babanod, neu os penodir athro ychwanegol, yna ni fydd y plentyn hwnnw'n ddisgybl a eithrir bellach. Rhaid trefnu dosbarthiadau i gydymffurfio a'r cyfyngiadau lle bynnag y bo'n bosib.

Nifer Disgyblion - Bl. 7 2022/Pupil Numbers - Yr 7 2022

<u>Ysgol/School</u>	<u>Rhif Derbyn/Admission Number</u>	<u>Nifer Disgyblion/No. of Pupils</u>
Aberaeron	156	104
Aberteifi	115	111
Bro Pedr	150	115
Bro Teifi	111	102
Henry Richard	74	42
Penglais	209	165
Penweddig	170	103

Nifer Disgyblion - Derbyn 2022/Pupil Numbers - Reception 2022

<u>Ysgol/School</u>	<u>Rhif Derbyn/Admission Number</u>	<u>Nifer Disgyblion/No. of Pupils</u>
Aberaeron	28	32
Aberporth	22	23
Aberteifi	60	45
Bro Pedr	53	34
Bro Sion Cwilt	21	17
Bro Teifi	52	42
Cei Newydd	14	12
Cenarth	10	13
Ciliau Parc	9	10
Comins Coch	26	10
Craig yr Wylfa	10	3
Dihewyd	5	2
Dyffryn Cledlyn	17	15
Felinfach	8	9
Henry Richard	17	18
Llanarth	12	17
Llanfarian	8	6
Llanfihangel-y-Creuddyn	5	5
Llangwryfon	7	3
Llanilar	18	12
Llanon	8	7
Llechryd	14	9
Llwyn Yr Eos	31	24
Myfenydd	13	10
Mynach	7	6
Padarn Sant	19	8
Penllwyn	7	3
Penparc	20	12
Penrhyncoch	15	12
Plascrug	58	48
Pontrhydfendigaid	10	13
Rhos Helyg	14	10
Rhydypennau	27	19
Syr John Rhys	5	2
T Llew Jones	25	21
Talgarreg	9	5
Talybont	18	11
Y Dderi	19	11
Y Gymraeg	52	52